

四庫全書

集部

欽定四庫全書

劔南詩藁卷八十一

宋 陸游 撰

遠遊二十韻

早歲志遠遊萬里攜孤劔所至必弔古如疾得鍼砭荒
寒過吳宮摧剝觀禹窰及仕揚潤間挂席度天塹梁宋
不可遊北望每懷歎會有蜀漢役奇嶮日窺覘築壇訪
遺址燒棧想烈焰轅門俯清渭徹底綠可染舊史所登

載一一嘗攷驗胡羊美無敵黍酒實醇醖枕戈南山下
馳獵久不厭比參劔南幕壯志就收斂卜鄰揚雄宅遂
欲老鉛槧但愛古柏青肯顧海棠豔人生不易料白首
東歸剡稽山秋峩峩鏡水春潏潏餘俸買扁舟月下采
菱芡湖山最奇處容我釣石占婚嫁幸已畢百事不關
念但當勤醉歌一死不汝欠

對酒

社醅又借醉顏酡手挽鄰翁作浩歌江月偏能照蓬戶

京塵終不汙漁蓑苦吟且復歌吾帽對奕真當爛汝柯
回首紛紛俱夢耳人間何處有天魔

夜雨

正看飛雪暗江天不覺新春已粲然花氣襲人娛獨夜
雨聲遶舍送豐年樵風未改山川舊禊事空悲歲月遷
一棹可營身尚健故應先治下湖船

己巳正月十八九間雪復大作不止

早衰常畏雪況復在江干三日不能出數年無此寒捲

簾驚澗漾下榻覺蹣跚稚子應憐我孤吟興未闌

寄子虞

汝官南壽春我居東會稽足馬護秋塞兩犢翻春泥淮
天沙雁過江村雪雲低書來動半年相望常愴悽父子
不共畊此悔真噬臍明年城西社爛醉相扶攜

書夢

我夢舉有司雞唱起裹飯又夢起早朝漏舍坐待旦既
寤兩無有撫枕徒浩歎今雖去為農飯牛亦夜半何曾

得放慵美睡到日旰一笑俱置之浮生固多難

示子適

家貧不學儉物理有固然要是善用短足以終其年我
家稽山下稟賦良奇偏敢言中人產日或無炊煙有兒
更耐窮伴翁理遺編短檠幸能繼竟夜可忘眠

對食有感

孟酌以助氣七筋以充腹沾醉與屬饜其害等嗜慾歡
醺有餘歡食淡百味足養生所甚惡旨酒及大肉老翁

雖無能更事嗟已熟勿嘆茆三間養汝山林福

又

我老雖無家其實如客耳食至舉匕箸飽則捨而起厨
人有勤惰我豈形慍喜園畦摘青蔬地碓舂赤米勞人
固已多坐享顙常泚作詩本自規亦以告閭里

雪夜

荒郊貿貿行斷壟色色畊常情所藉躡豈復懷不平歸
來卧破屋中惟一牀橫且燒生柴火靜聽涇雪聲

又

今年春苦寒風雪塞戶牖況我窮閭士袴敝衣見肘正
須小忍之此事豈得久努力辦一壺西村看花柳

又

瓦疎雪墮簷窗破風吹燭短裘不及扞手脚盡皸瘃猶
勝南鄰叟一褐竟未贖薄酒城中來清夜聊相屬

初春

柳拂朱橋湖水生園林處處聽新鶯亦知人世當行樂

無奈春陰不肯晴走馬章臺身縱老看花杜曲眼猶明
只應詩思年來減預怯同遊議罰觥

春日雜興

方塘盎盎帶泥渾遠草青青沒燒痕只道雨晴春晝永
歸時不覺已黃昏

又

南村北村鼓鑿鑿剗羊刺豕祭潭龍一生衣食財取足
百世何妨常作農

又

小甌有米可續炊紙鳶竹馬看兒嬉
但得官清吏不橫
即是村中歌舞時

又

夜夜燃薪煥絮衾
禺中一飯直千金
身為野老已無責
路有流民終動心

聞有流移人到城中

又

出仕常騎秃尾驢
歸休自駕折轅車
今朝偶遇村夫子

借得齊民一卷書

又

更事多來見物情
世間常恨太忙生
花開款款寧為晚
日出遲遲却是晴

又

一枝筇杖一山童
買酒行歌小市中
莫笑摧顏今至此
當年萬里看春風

又

四十餘年學養生誰知所得亦平平
體孱不犯寒時出路溼常尋乾處行

又

攪睡禽聲曉傷簷泥人花氣午穿簾
懽情老去年年薄困思春來日日添

又

陰晴不定春猶淺困健相兼病未蘇
見說市樓新酒美杖頭今日一錢無

又

乍晴乍雨忽經旬半醉半醒還過春春卧不知菴外事
閒吟聊適夢中身

又

行人陌上思悠悠十里斜陽古渡頭一片落花無覓處
只教芳草管閒愁

小霽乘竹輿至柳姑廟而歸

殘雲斷處漏斜陽草滿平隄柳著行颭颭畫船來北港

翻翻青繖度南塘行人相賀新年健逃戶雖窮舊業荒
感物興懷空絕歎才衰無語付詩囊

春曉

初見天窗一點明旋看曉色到簷楹
衾裯溫煖留殘夢鳥雀呼鳴報快晴
雖喜心隨年愈老却愁事與日俱生
平川漫漫煙蕪綠筋力猶堪給耦畊

肩輿歷湖桑堰東西過陳灣至陳讓堰小市抵暮
乃歸

堤遠沙平草色勻
新晴喜得自由身
芋羹豆飯家家樂
桑眼榆條物物春
野店茶香迎倦客
市街犬熟飭行人
牆頭婦女更相語
認到先生折角巾

又

貪看西南一面山
不知信步到陳灣
未言散釋經旬病
且要消磨半日閒
蔬壠過寒常鬱鬱
鳥聲迎暝已關關
斜陽不為行人駐
十里鐘來翠靄間

書適

疇昔花前醉放顛即今不飲亦陶然太平固自多遺老
獨往何妨是斥仙扶杖每觀南畝饁解衣時作北窗眠
人間賢俊方雲集我遇龍蛇豈厄年

陳讓堰市中遇吳氏老自言七十六歲與語久之
及歸送予過市猶戀戀不忍去

就店煮茶古堰邊偶逢父老便忘年嗟予空忝十年長
聞道慙無一日先壯子當門能碌碌諸孫承業亦翩翩
熟思遊宦終何得悔不從公曝背眠

午炊

江路初晴日煙蕪古廢城青鍼秧稻出黑螳稚蠶生山
際牛羊路林間雞犬聲午炊聊小憩野老解逢迎

古風

穢象薦清廟餘材棄溝中二者雖甚遠殘生其實同人
當貴其身豈復論窮通寧為原上草一寸搖春風

又

木生雖拱把鮮不困斧斤枯朽亦可全又以薌故焚嘉

禾終銍艾豈獨草見耘此理講已熟要當尊所聞

肩輿至石堰村

偶上簾輿踏夕陽醉魂困思兩悵悵澗薪旋拾供茶竈
詩橐初成寄藥囊村舍薺麻驅鳥雀牧童隨草放牛羊
歸來徙倚衡門久始覺中春已日長

睡起遣懷

百事不能能荷鋤不鋤菜畦鋤芋區身存那用十年相
陂壞且為凶歲儲百事不學學作詩不作白紵作竹枝

黃陵廟前風浪惡，青衣渡口行人悲。
老病閉門常憤憤，芋不復鋤詩亦廢。
客來剝啄喚不應，一味人間占閒退。
今朝一日三倒床，歎息春晝如年長。
摩挲困睫喜湯熟，小瓶自折山茶香。

春晴

柳未吹絲筍未抽，春郊風日正清柔。
疎疎簾影供高卧，裊裊輿竿嬾出遊。
無客共謀良夜醉，有花空動故年愁。
雲生祇恐還成雨，自向園中聽鶉鳩。

書感

鴨子陂頭看水生蜂兒園裏按歌聲天公用意誰能測
未許吾曹醉太平

野興

莽莽寬閒野悠悠曠達身氣從林下吐言向醉中真社
櫟元當壽江鷗豈易馴興來無遠近隨處岸綸巾

野步

堤上淡黃柳水中花白鵝詩情隨處有此地得偏多

又

水生已抹堤草長復侵路小蝶仍可憐欲下却飛去

稽山

我識康廬面亦撫終南背

廬山以南康軍為山面興元成鳳皆在終南山背

平生

愛山心於此可無悔晚歸古會稽開門與山對奇峯綰髻

鬟橫嶺埽眉黛豈亦念孤愁一日變萬態風月娛朝夕雲

煙閱明晦一洗故鄉悲更益吾廬愛東偏得山多寢食鮮

不在寧無度世人談笑見英緊御風倘可留為我傾玉瀝

緋桃開小酌

我廬城南村家無十金產種花雖厯歲名品終有限頗
欲及暇時著譜書之簡今朝緋桃開歡喜洗酒琖鄰翁
亦喜事為我一笑莞但恨首荷盤蔬薄欠佳饌往來見
已熟勸揖忘媿赧一事粗可言似具識花眼

夜中獨步

春半寒初退更闌睡不成褰裳偶獨起曳履得徐行月
上烏未宿水深鼃亂鳴踟躕忽已久殘漏下高城

春寒復作

春寒已解忽復作病思不堪當語誰青燈熒熒耿欲滅
殘雨滴滴休無期故人已死夢中見壯志未忘心自知
青絲玉井聲輾轉又是窗白鴉鳴時

大雨排悶

地潤礎流水氣蒸人脫裘前知暴雨至孰解老農憂

又

三日斷行路東薪無處求床頭周易在且復送悠悠

室中屏去長物戲作

久從昭代乞殘骸
荷鍾隨行偶未理
四壁盡空君勿怪
纔留一物即關懷

對酒

酒非攻愁具本賴以適意如接名勝遊所挹在風味庸
子隨世紛但欲蘄一醉翹生絕俗人笑汝非真契

曝舊畫

故篋開緘一愴情
斷縑殘幅尚知名
翩翩戲鵲如相語

金史四庫全書
卷八十一
洶洶驚濤覺有聲
柳暗正當煙未斂
花穠仍值雨初晴
百年手澤存無幾
蟲蠹塵侵祇涕橫

予以淳熙戊戌歲自蜀歸時年五十四今三十有二年矣猶復強健得小詩自賀

入玉門關到酒泉
昔人想望若登天
豈知萬里西征客
歸卧家山三十年

花下小酌

柳色初深燕子回
猩紅半點海棠開
鯢魚莼菜隨宜具

也是花前一醉來

又

雲開太華插遙空我是山中採藥翁
何日烟氛掃除盡
敷溪道上醉春風

夜酌

我有一瓢酒與君今夕同鳴簷社公
雨捲野沛歌風閔
世花開落觀身劫壞空北邙丘壠盡
太息幾英雄

數日不作詩

吾詩鬱不發孤寂奈愁何偶爾得一語快如疏九河黃
流舞浩蕩白雨助滂沱門外無來客花前自浩歌

幽居示客

嗜睡疎茶盃逢春愛麴車聊將枕流耳靜聽屬私蛙林
下閒成癖人間嬾莫加孫登欲長嘯四座且無譁

又

齒髮雖俱弊神明尚有餘幽扉鍊竒藥細字錄仙書野
水鳴苔徑長松蔭草廬客來多謝病深媿問何如

春日登小臺西望

九十衰翁身尚健，流年過眼如奔電。
憶昔初來對行在，衫鬢青青接英彥。
中間亦嘗走梁益，萬里憑高望鄉縣。
散關驛近柳迎馬，駱谷雪深風裂面。
東歸却尋書生事，誤長諸儒集賢院。
乞身七年罪未除，君恩尚許寬嚴譴。
痴頑亦復病不死，春到故園家釀美。
雨餘草長四野青，日落煙生半山紫。

醉賦

我疾多自愈初非遇奇方我生固多難欲慮忽已忘
顛然亂書中不知歲月忙有時或得意炙冷不暇嘗
乃今又大悟萬事付一觴書中友王績堂上祠杜康

即事

我本區中士偶來湖上居時尋一枕夢閒展數行
書得醉常歡甚無炊一晏如今朝好天氣一笑命柴車

落花

山杏溪桃次第開狂風正用此時來未妨老子凭欄興

滿地殘紅點綠苔

春日

春來日日困春醒
徂歲如馳得我驚
山寺餽茶知穀雨
人家插柳記清明
登階勃窣晨雞老
侵路縱橫野草生
堪歎筋骸猶健在
強隨丁壯事深耕

戲詠園中春草

離離幽草自成叢
過眼兒童采擷空
不知馬蘭入晨俎
何似燕麥搖春風

又

童子爭尋鵜鴒飯
醫翁日曝蝦蟆衣
欲賡楚客詠餐菊
却媿周人歌采薇

二月二十四日夜大風異常

天青無雲星錯落
大風忽自西南作
壽藤老木不自全
門外豈容存畧約
翁媪驚呼兒女泣
屋瓦飛空吁可愕
巢傾共閔烏鵲死
空黑還疑鬼神惡
南鄰僅有蝸牛廬
轉盼卷去無遺餘
腐儒自笑獨耐事
一燈熒熒猶讀書

雨夜與鄰翁飲用前輩韻

老人閱世真悠哉八十已過九十來
茆檐參差映煙樹蕭條雞犬三家聚
一樽鄰翁迭賓主醉語豈憂多謬誤
我作吳歌君起舞夜雨莫辭泥沒屨

雜感

壯遊回首海茫茫數方驚歲月長
舊事莫論齊柏寢殘軀方似魯靈光

又

天際晴雲舒復卷庭中風絮去還來人生自在常如此
何事能妨笑口開

又

射的山前花柳新典衣買酒過殘春但甘身作噲等伍
莫信人間鬚絕倫

又

禍福雖云不可猜人生要豈願為才鬪體正使非王樂
儀象何疑是木災

讀史

蕭相守關成漢業穆之一死宋班師赫連拓跋非難取
天意從來未易知

又

顏良文醜知何益關羽張飛死可傷等是人間號驍將
太山寧比一毫芒

出遊

社近頻逢雨春深却喜晴畬煙傷山起神鼓隔林鳴客

駐觀農饁兒歸遺母羹豐年多樂事何以報時平

又

綠樹魚鹽市青蕪雉兔塲采桑村女集入學幼童忙戶
賽祈蠶願家藏問孝章村坊多美酒爛醉當年光

夜興戲作

遙夜寂無譁江城鼓屢撾傍牆行蹉跎脫帽髮鬢髻詩
和玲瓏韻燈開頃刻花會心有佳處不寐到啼鴉

酒熟書喜

小槽春夜壓春醪
天與龜堂慰作勞
喜似繫囚聞縱釋
快如苛瘡得爬搔
未陳尊杓心先醉
傷晚江山氣已豪
久厭羶葷愁下筯
眼明湖上得雙螯

湖上

寒食初過穀雨前
輕衫短帽影翩翩
獨轅碾破新堤路
雙耜犁殘古廟壩
萬事不禁劉毅擲
諸人誰著祖生鞭
市廛處處誇新釀
且就花陰一醉眠

春晚

落絮飛花又滿城年光大半付春醒
塞驢閒後詩情減
陣馬拋來髀肉生
少日雕蟲真小技
暮年畫餅更虛名
囊中幸有黃庭在
安得高人與細評

食酪

南烹北饌妄相高
常笑紛紛兒女曹
未必鱸魚茱萸菜
便勝羊酪薦櫻桃

六言

愛馬能成一癖
結髮可忘百憂
我亦時時自笑
開編萬

事俱休

又

遇合生封萬戶
阨窮不直一錢
此是由來事爾
正須到處欣然

又

豪士以妾換馬
畊農賣劍買牛
我看浮雲似夢
却貪山水閒遊

又

風細飛花相逐林深啼鳥移時客至旋開新茗僧歸未
拾殘碁

又

覓飽如籌大事擁書似甕重圍誤喜敲門客至出看啄
木驚飛

又

香煙觸簾不散燈焰無風自搖獨倚蒲團寂寂忽聞山
雨蕭蕭

書意示子孫

我閱人間久深知理惡盈孽孽訓來裔輩輩作儒生仕
勿卑曹掾書纔記姓名茆茨不啻足此外盡浮榮

暮春龜堂即事

風日初和晝漏長蕭然中屨集茆堂雨餘千疊暮山綠
花落一溪春水香斷簡牘中塵委積故人墓上草荒涼
爾來幸有寬懷處病退牀頭減藥囊

又

躑躅花開照眼明
緩扶藤杖繞廊行
流年又見一春過
苦雨畧無三日晴
覓句未應妨熟睡
漱泉聊足解餘酲
鹿麕雉子常追逐
誰識山翁及物情

又

日月無根去若馳
故園又見落花時
盃中綠酒不肯飲
鏡裏蒼顏應自知
千丈新堤湖水滿
五更殘漏角聲悲
暮年父子難乖隔
淮浦書來苦覺遲

又

東皇促駕又天涯一片難尋隨地花
瘦策穿林數新筍
素屏圍枕聽鳴蛙蠶房已裏清明種
茶戶初收穀雨芽
欲把一盃壺已罄謾搜詩句當年華

莫辭酒

勸君莫辭酒酒能解君愁
勸君勤采藥藥可使疾瘳
此外莫廢書書亦豈君悞
古來敗人事正以不學故愁去
疾亦平便腹如瓠壺
努力貯萬卷無此令君愚

懷友

酒家旗下分攜久山驛燈前感慨頻人事已隨雙鬢改
柳條又見一年新

蘭亭道上

湖上青山古會稽斷雲漠漠雨淒淒籃輿晚過偏門市
滿路春泥聞竹雞

又

蘭亭步口水如天茶市紛紛起雨前烏笠遊僧雲際去
白衣醉叟道傍眠

又

陌上行歌日正長
吳蠶捉績麥登場
蘭亭酒美逢人醉

花塢茶新滿市香

蘭亭官酤名也
花塢茶名

又

箭箠弓弦小獵回
壯心自笑未低摧
前身家近盤閭路
曾看吳王射雉來

殘年

殘年光景易駸駸
屏迹江村不厭深
新麥熟時蠶上簇

晚鶯啼處柳成陰
短檠已負觀書眼
孤劍空懷許國心
惟有雲山差可樂
杖藜誰與伴幽尋

春老

春色垂垂老
山家處處忙
園丁賣菰白
蠶妾采桑黃
候雨占秧信
催兒築麥場
醉眠官道上
人為護牛羊

睡起

睡起披衣弄素琴
房櫳槐柳綠成陰
春殘鶉鴉如多恨
雨惡醪醑欲不禁
羸病強行常蹉跎
愚多慮每噫喑


行年九十猶賒死誰測高高厚厚心

自規

立志當如塞決河犀編鐵硯未為過文難稱意古所恨
學不盡才今亦多四海交朋常隔濶一生光景易蹉跎
耄年尚欲鞭吾後太息無人為詆訶

夜間雷雨大作

暗空霧雨無時已卷地風雷却是晴九十老翁更事久
寄言兒女不須驚



劔南詩橐卷八十一

欽定四庫全書

集部

劬南詩稟卷八十二

詳校官庶吉士

臣陳若霖

主事

臣

呂雲棟覆勘

總校官檢討

臣何思鈞

校對官修撰

臣戴衢亨

謄錄監生

臣楊浚明

欽定四庫全書

劔南詩藁卷八十二

宋陸游撰

賞小園牡丹有感

維陽牡丹面徑尺，廊時牡丹高丈餘。世間尤物有如此，恨我總角東吳居。俗人用意若侷促，目所未見輒謂無。

周漢故都亦豈遠，安得尺箠驅羣狐。

山陰距長安三千七百四十里，距維

陽二十八百九十里

山居

平生絕愛山居樂老去初心亦漸償
直道本知天可恃曠懷真與世相忘
徑穿脩竹衣巾爽盤設靈苗七箸香
但恨相逢無魯叟浩歌小試接輿狂

閒詠

蕭蕭華髮映烏巾五十年前故史臣
正使老來無老伴未妨閒處作閒人
按行池水知增耗點檢庭花見故新
更有菴中策勛事投床鼻息聒比鄰

又

事業無聞負聖時
滄波自照角巾歌
養成林下無窮嬾
占盡人間徹底癡
小麥繞村苗鬱鬱
柔桑滿陌椹累累
醫翁簪叟真堪友
搜索殘尊與共持

又

謝事歸來一把茅
村深樵牧日論交
未言客路塵衣化
最恨書窗鐵硯凹
戀戀故袍誰復念
便便癡腹敢辭嘲
卜居雖僻吾猶悟
失却岷山理鵲巢

又

白頭羈客更堪論
身寄城南桑竹村
一榻琴書春寂寂
四山霧雨晝昏昏
常情共笑門庭冷
好事虛推輩行尊
燒筍炊粳真過足
兒曹不用致魚飧

又

危途九折浩無津
晚幸收身作散人
俸祿既空憂患少
酒醴雖薄笑歌頻
多添布褐方知老
淨埽茆衡不覺貧
南陌東阡元在望
柴車嬾駕動經旬

讀樂天詩

放姬鬻駱初何有常笑香山恨不攄輸與此翁容易死
一身之外更無餘

讀許渾詩

渾居丹陽丁卯
橋其詩丁卯集

裴相功名冠四朝許渾身世落漁樵若論風月江山主
丁卯橋應勝午橋

時鳥

日出鳴布穀月落鳴子規一氣之所感彼亦不自知
架

犁最晚至適當農事時丁壯戴星出力作孰敢遲鳴者
既有警聞者得以思乃知失時輩強聒終何為百舌亦
能言今默乃其宜我作時鳥篇用繼幽人詩

齒髮歎

樂天悲脫髮退之歎墮齒吾年垂九十此事已晚矣髮
脫妨危冠齒墮廢大嚼晨興對清鏡何以慰寂莫造物
本無心豈欲使汝衰曷不望長空兩曜無停時

送春

新葉張翠幄落花作紅茵山蔬旨且柔家釀清而淳以
我垂老境送此將歸春我固惜流年春亦記陳人江山
處處佳風月日日新蹇驢度松岡短櫂橫煙津蘭亭人
已遠遺韻猶清真却下木柵市天風吹角巾

初夏

新綠陰中燕子飛數家煙火自相依童誇犢健浮溪過
婦閔蠶飢負葉歸地煖小畦花永長泥融幽徑藥苗肥
邨居樂事何勝數一醉旗亭又典衣

又

江鄉初夏暑猶輕
霽日園林有晚鶯
聊置尊罍師北海
盡除屏障學東平
綠槐露溼單衣爽
紅藥風翻病眼明
每感流年成絕歎
白頭自笑未忘情

初夏即事

夏景遽如許
先從草木知
朱櫻連蒂剪
紅藥帶花移
病起單衣怯
身閒晝漏遲
空齋無長事
簾影看參差

古壽人至聞五郎
頗有老態作長句
自遣

齒落髮斑兒亦老，志衰力惰我寧悲。
埋盆便可為池看，折竹何妨作馬騎。
點誦內經莊叟語，長歌半格白公詩。
此身未死先安頓，除却山村百不宜。

郊行

春郊無處不堪行，滿路人家笑語聲。
賣劍買牛知盜息，乞漿得酒喜時平。
西村日落川雲暝，東嶺虹收海氣清。
農事方興戒遊惰，為君來往主齊盟。

小園

小園草木手栽培
衰丈清池數尺臺
拄杖倦時閒倚壁
芳醪熟後喜傳盃
春蕪滿地鹿忘去
夏木成陰鷺自來
堪笑山童慙飽食
時時走報一花開

初夏雜興

隱趣與誰論
深居湖上村
避蘭寧改路
惜筍不開園
庭草饒生意
溪沙記漲痕
愁來時淺酌
隨事有雞豚

又

避寂諸緣息
安貧百慮寬
嬾如常抱疾
退似本無官
皎

潔鶴翎扇嗟我龜屋冠何勞問唐舉徹屋是清寒

又

咄咄無窮事騰騰暫寓身月生知改朔花盡覺經春市
閑朝沽酒巫歌夜樂神興來隨衆出一笑不妨新

又

移花得微雨晒藥遇新晴悶裏家書到貧時糴價平身
方抱沉疾天乃相餘生莫恨村醪薄燈前與細傾

又

倦甚惟思睡閒來却要行疏泉入幽圃映樹現流鶯藥
品從僧問琴材就客評轉頭還一日正爾送餘生

思子虞

里堠迢迢阻問津年光冉冉苦催人未能免俗予嗟老
豈不懷歸汝念親家釀湖莼誰共醉江雲淮月又經春
新詩題罷無從寄獨倚危闌一愴神

偶思蜀道有賦

天回驛畔江如染鳳集城邊柳似搓萬事已隨流水去

一尊將奈夕陽何是非無定言何益窮達徐觀得孰多
幸有漁蓑歸故里不妨高枕且酣歌

書意

養得山林氣粗全此懷無處不超然日長琴奕茆檐下
歲晚江湖箬帽前天上海令星主酒俗間妄謂世無仙
今年茶比常年早笑試西峯一掬泉

今年清明前數日
山中已有新茶

贈倪道士

羽衣暫脫著戎衣坐定方驚語入微歸隱玉霄應不出

他年容我扣巖扉

又

我坐虛名剩得窮百年身墮畏途中看君一棹煙波樂
悔不常為采藥翁

哭李孟達

舊交多已謝明時孟達奇才最所思晚歲立朝雖小試
平生苦學竟誰知尊前一笑終無日地下相從却有期
慟絕寢門霜日莫短篇聊為寫餘悲

送黃丈叔守福州

黃公天下士遇主紹熙年
議論前修似聲名九牧傳
巨舟夷險濟拱壁始終全
勇退先諸老榮歸總十連
旌旄照關路冠蓋盛離筵
內閣恩光重宸毫墨色鮮
任方分斧鉞歸即珥貂蟬
病叟難為別臨期一悵然

初夏雜詠

揮袖謝人間一窗如海寬
鹿麋為老伴松屑當朝餐
自悟達生理儘容非意干
却嫌孤寂甚支竈學燒丹

又

病退身仍健年侵趣更高芳醪溢蠻榼短褐束鄙綯本
不營三窟何由挫一毫煙帆幾時掛長嘯破秋濤

又

屐路緣虛壁棋軒枕小灘玄言不媿籍熟睡却輸搏吐
吐書常嬾便便腹本寬山園時節好杏子已微丹

又

去日驚鑽燧窮途困負薪故人天未遠薄俗眼邊新踣

踽飄零客悠悠賸長身寸心知己矣端欲為誰陳

又

昔日江湖上飄然無定居頻傾京口酒亦食武昌魚北
首心空壯東歸憤不攄豈知牙齒落送老一茆廬

即事

萬里山河拱至尊羽林鐵騎若雲屯羣公先正不復作
故國世臣誰尚存河洛可令終異俗萬堯何自達脩門
王師一日臨榆塞小醜黃頭豈足吞

漁扉

蜻蜓浦上一漁扉回首人間萬事非
賣藥山城攜鶴去看碑野寺策驢歸
偶因束帶悲腰減常為梳頭感髮稀
午睡定知無客攪曲肱閒看雨霏霏

郊居遇雨作
則無客至

山行見三十年前題名悵然有賦

百年村落半丘墟垂老經過一柅車
金石闕訛秦漢舊

謂秦始皇刻石
及禹鑿上漢隸

山川勝絕晉唐餘醉題墨淡塵昏壁詩

社人亡淚濺裾名宦半生成底事早時恨不學犂鉏

山房

柴門不掩俗人稀
成就山房一段奇
木葉最宜新雨後
鳥聲更勝暮春時
家貧屢罄緣耽酒
宿習猶存為愛詩
別有一條差自慰
木苗芎茁正離離

縱筆

兀兀一無為
冥冥百不知
倦多惟嗜睡
食晚遂忘饑
開卷渾如夢
逢人不省誰
何須覓知識
木石即吾師

又

一點湛空明居然萬事輕菜元勝肉食車豈異徒行幻境終何在金丹本自成信能如是解土苴亦長生

又

雜草除苦葉勞人亦動心無愁疎把酒習嬾罷彈琴濯垢臨溪水追涼就木陰常尋省力處外物孰能侵

又

夢事飽曾經靈臺了不驚冤親同一妄魔佛兩皆平應物如風過投床即鼾聲晨興拂几硯猶恨太勞生

窗下戲詠

飛來山鳥語惶惚却是幽人半睡中
新竹成陰無彈射不妨同向北窗風

又

三尺清池鏡面平剪刀葉底戲魚行
吾曹安得如渠樂傍渚跳波過此生

又

何處輕黃雙小蝶翩翩與我共徘徊
綠陰芳草佳風月

不是花時也解來

隸西小聚

瓦盞盛蠶蛹沙厨煮麥人
三家小聚落兩姓世婚姻
父老衣冠古問閭風俗淳
不應陶靖節獨號葛天民

老歎

步遲腰偃僂面瘦骨崢嶸
貧病消前業耕樵樂太平
有歌悲易水無酒醉湖城
何許容身得門前釣艇橫

衰甚書感

髮殘不勝冠齒墮欲廢嚼譬如亭皋木秋至葉自落豈
惟形骸變意氣已非昨床隅倚拄杖壁上掛雙屨經旬
不出戶薄飯羹藜藿居然遠霜露因得養腰脚年衰固
應死延保未可度人之生實難壽終固為樂開卷思千
載閱世等六博志士有蹈海儒生亦投閣何如釀濁醪
遇興時獨酌半酣望青天萬事付一噓

山行過僧菴不入

垣屋參差竹塢深舊題名處嬾重尋茶壚煙起知高興

碁子聲疎識苦心
淡日暉暉孤市散
殘雲漠漠半川陰
長吟未斷清愁起
已見橫林宿暮禽

山行

閒人日日得閒行
沉值今朝小雨晴
水淺游魚渾可數
山深藥草半無名
臨溪旋喚舂船渡
過寺初聞浴鼓聲
小醉未應風味減
滿盤青杏伴朱櫻

夜窗

性中汝本具光明
蔽障除時道自成
手刈茆苫數椽屋

身鉏菜煮一盂羹
天人迭勝誰能測
禍福無常不待評
惟有吾心終可恃
夜窗袖手聽松聲

送邢芻甫入閩

兩窮相值每相憐
聞子南游一愴然
莫道此行非久別
衰翁何敢望明年

又

君行正及荔枝丹
想見臨觴為破顏
此外但宜烹茗雪
傷生不用擘蟾山

從邢芻甫求桃竹拄杖

拄杖當年盛得名一枝尚覺百金輕
老人不復須春草
只要攜渠處處行

老雞

老雞擁腫不良行
將旦猶能効一鳴
碓下糠粃幸不乏
何妨相倚過餘生

還東

還東寒暑幾推移
漸近黃梅細雨時
窗下興闌初掩卷

花前技癢又成詩，囊錢不貯還成癖。
官事都捐未免癡，賴是病軀差勝舊。
一盃藜粥且扶衰。

行東山下至南巖

穿林了不厭崎嶇，邂逅幽懷得少攄。
昔媿出山成小草，今知流水羨游魚。
呦呦馴鹿隨輕策，泱泱流泉入野渠。
坐覺塵襟真一洗，正如頭垢得爬梳。

書幸

謀身從昔本迂疎，豈料餘年却晏如。
盤箸無時闕鮭菜。

道途隨事有舟車故衣已敝月三浣短髮雖殘日一梳
里巷浮沉亦何憾見賢猶及渡江初

放言

酒熟固可喜酒盡亦陶然有客則劇談無客枕書眠
餒不糝閒玩琴無弦摘嗅砌下花掬弄澗底泉啄木
抱蠹拊搏黍鳴桑顛欣然為一笑世故何足捐無人罵
鄭虔亦無嘲孝先回顧三角童吾與汝忘年

晚步門外

槐葉已成陰
楸花亦離離
日莫門無人
追我消搖時
左持漆園書
右挾栗里詩
風從湖面來
成此一段奇
石路雖甚狹
雅稱拖筇枝
少頃山月明
照我角巾欹

夏夜

風便更漏明
室虛蚊蚋靜
筋骸日益衰
厭事樂幽屏
清燈北窗下
突兀寫孤影
進學無新功
賦詩聊自警

甕池

甕甕東
堦下澹澹一石水
買魚畜其間
鱖鱖三十尾
力

微思及物為惠止於此無風水不搖得志魚自喜涵泳
藻與蒲永不畏刀几飯罷時來觀相娛從此始

種菜

菜把青青間藥苗豉香鹽白自烹調須臾徹案呼茶椀
盤箸何曾覺寂寥

又

老農飯粟出躬耕捫腹何殊享大烹吳地四時常足菜
一番過後一番生

又

白苣黃瓜上市稀
盤中頓覺有光輝
時清閭里俱安業
殊勝周人詠采薇

又

引水何妨藝芥菰
圃功自古補三農
恨君不見名山芋
藏蓄猶堪過歲凶

白首

白首歸來老故園
索居情味更堪論
關河悠邈夢魂到

親舊凋零書札存身病自憐詩思退家貧客笑酒醅渾
昏昏只欲投床睡兒勸孫扶強出門

東窗遣興

巷陌過從少園林景物新羣魚時戲藻馴雉每依人映
戶槐陰密堆盤麥餌珍殘春又陳迹撫事一傷神

又

巾屨長閒客簾櫳薄暑天巢空重乳燕葉密未鳴蟬壺
箭看多算圖書理斷編悠然已夕日却上采菱船

又

夏淺清陰滿村深白日長言多思寂默酒醒悔猖狂老
馬漫知路鈍錐寧出囊此翁真耄矣嬾放亦何傷

北窗

晏嬰長不滿五尺淳于飲能至一石老無功名未足歎
滑稽玩世亦非昔當年交友傾一時誰料蓬門今寂寂
陳山李石千載士早死當為天下惜斯文顯晦端有命
道悠運促非人力我今稽山一老農百歲不死知何益

後生可畏要有人誰能隱若一敵國狂言勿發心自驚
歸坐北窗還默默

小酌

偶向東園把一盃不辭團坐埽蒼苔野花經雨自開落
山鳥穿林時去來皂白正非天欲辨青黃要與木為災
今年秋後猶能健賸乞梅栽與李栽

夏日

暑雨初晴晝漏遲江鄉樂事有誰知村村隴麥登場後

戶戶吳蠶坼簇時

又

齒髮凋零奈爾何年光暗裏易消磨街槐正喜清陰密
巷柳還驚蠹葉多

又

竹根斷作眠雲枕木癭剝成貯酒尊怪怪奇奇非著意
自無俗物到山村

又

動身尚嬾那堪事學古無成罷讀書枕上側眠聽語燕
池邊小立看游魚

又

悶欲遠游身苦嬾病思閒話客誰過北窗一枕差堪樂
無奈茶盃作祟何

又

黃葛蚊厨睡欲成高槐陰轉暑風清倚床奴子垂頭坐
揺手孫兒小步行

又

斲取溪藤便作香煉成崖密旋煎湯蕭然巾履茅堂上
不畏人間夏日長

又

謝客捐書日日閒行穿密竹卧看山巖前恨欠煎茶地
安得茆茨一小間

又

蘋生洲渚微風起梅熟園林細雨來咫尺柴門常嬾出

不教拄杖損蒼苔

又

側卧橫眠百不知
軒窗寂寂雨絲絲
豈無布襪青鞋興
過却梅天出未遲

又

幽花姪姪開還歛
小蝶翩翩去復留
貪睡畸翁俱不領
被人錯喚作閒愁

又

山下柴荆晝不開
苔生古井暗楸槐
新詩哦罷閒無事
移取藤床睡去來

睡起

不恨無人到野堂
惟將美睡答年光
風輕荷葉翻翻綠
雨溼松枝細細香
薄俗空成士龍笑
長歌未盡接輿狂
掬泉弄石翛然晚
又得今年一夏涼

雨中作

湖曲雨淒淒
茆檐觸額低
衡門元少客
窮巷況多泥
解

渴黃梁粥嘗新白菰蘆吾生真自足不恨老鉏犁

感物

物情豈願歲時邁一氣潛移不自由日出鵲鳩還喚雨

夏初蟋蟀已吟秋

今年四月
聞蟋蟀鳴

又

小園清曉岸綸巾物態年光日日新綠葉自生黃自落
不應秋至始愁人

舟中有賦

一枝柔艣聽咿啞炊稻來依野老家山寺日中齋鼓動
江樓風急酒旗斜綠稍嫋嫋搖新竹翠蔓離離熟早瓜
閒客去留隨所遇不知何處送棲鴉

晨起獨行綠陰間

楸槐陰裏漏朝暉芳草離離露漸稀不恨過時常煮酒
且欣平坦著生衣病逢鍼藥如差減貧比簞瓢尚庶幾
惟是未能忘習氣亂書隨日又成圍

獨至遯菴避暑菴在大竹林中

赤日黃塵厭垢紛竹林深處寄幽欣如聽嵩雒風前笛
似看瀟湘雨後雲園鹿知時新解角池魚得意自成羣
悠然一笑誰能識坐勝天魔百萬軍

又

世俗元非不汝忘汝歸安取醉為鄉藥苗野蕝山家味
栢子松房道室香一卷隱書為日課數聲啼鳥謝年光
客來莫笑茆茨陋占盡炎天一味涼

短歌行

上樽不解散牢愁靈藥安能扶死病千鈞强弩無自射
虛空六出奇計終難逃定命人生斯世無別巧要在遇
物心不競憂忘寢食怒裂眦孰若憑高寄孤詠炎天一
葛冬一裘藜羹飯糗勿豫謀耳邊閒事有何極正可付
之風馬牛

山寺

路盡初逢寺行行獨叩扉民貧稀送供僧老少完衣日
正樓鐘動溪深藥草肥吾衰亦久矣捨此欲疇依

明日復欲出游而雨再用前韻

小艇爭浮浦幽人獨倚扉
新泥添燕壘細雨溼嬰衣
菴紫桑新暗秧青水正肥
欣然語鄰父投老得相依

暇日登東岡

雙履青芒滑輕衫白苧涼
雲生半巖潤麝過一林香
童子持碁局厨人饋粟漿
歸來更清絕淡月滿林塘

暴雨

黑雲如龍爪白雨如博碁
老屋處處漏此夕將何之
豈

惟移床避殆欲懸釜炊擾擾舍中人具食不以時兒女
乃可憐赤脚啼午饑語兒姑少忍開齋會有期

幽事

衰翁喜幽事闔戶不升堂酒僅三蕉葉琴纔一履霜

東坡

自能飲三蕉葉范文正公酷好琴
止彈履霜一曲時謂之范履霜

好游力不給愛客病

相妨獨有詩情在年來亦漸忘

又

野館多幽事畸人無俗情靜分書句讀

豆

戲習酒章程

藥褚藏難見
棊枰算未成
悠然寄孤歎
吾豈固逃名

劍南詩豪卷八十二

欽定四庫全書

劔南詩豪卷八十三

宋 陸游 撰

病起雜言

國不可以無菑青身不可以無疾疾無菑之國亂或更
速無疾之身死或無日昆夷獫狁無害於周之王闢土
富國無救於隋之亡壯夫一卧多不起速死未必皆羸
疋古來惡疾棄空谷往往更得度世方我年九十理不

長况復三日病在床天公念之亦已至儼戒不使須臾
忘起居飲食每自省常若嚴師畏友在我傍躋民仁壽
則非職且為老憊鍼膏肓

雨後

小築濤江外微涼暑雨餘傾囊致歡伯信脚到華胥芳
草翩翩蝶清池潑潑魚此翁雖耄矣作計未全疎

又

一夜茅檐雨晨興乃爾涼禽魚皆遂性草木自吹香微

潤生琴薦纖塵避筆床悠然北窗興真欲傲羲皇

示客

久泛煙波不問津騰騰且復養吾真每持盃酒呼江月
殊勝征衣化路塵半枕何人游蟻蛭立談為汝脫孤身
挂帆莫恨瀟湘遠是處相逢一笑新

蒸溽作雨排悶

柱礎生微潤簾櫳轉薄陰蟻遷都邑改鳩逐怨思深
菖新離水芭蕉半展心掩屏惟熟睡誰與續愁吟

夏中雜興

梳髮高春後投床甲夜初語
難愁對客手倦怕催書美
睡那思覺甘餐不願餘更應
慙造化無事到幽居

又

小響風吹葉微痕雨點池興
來閒弄笛客散自收碁忽
忽尋殘夢時時足小詩出門
俄已莫忘却野人期

又

出赴盟鷗社歸尋夢蝶床愚
為度世術閒是養生方休

歇書中癖消磨酒後狂遠游亦已矣不復解輕裝

又

處世如灰冷持心似砥平盤飧無宿戒香火有常程
樵父供藜杖陶人售瓦礬經旬常苦雨嘯傲送餘生

又

心慕羲農世躬行黃老言采掾聊築舍橫木即為門
短髮冠龜屋空床枕竹根從來薄世味染指肯嘗黿

又

遣信邀隣父隨宜具小殮草燔豚肉美瓮壓酒醅渾易
致商山皓難招楚澤魂嗟予亦衰矣心事與誰論

即事

翁自析薪兒負薪一生不似此年貧折除却得常強健
天定方知果勝人

又

揪垂落索槐吐花溪女採蓮童抱瓜一年光景又將半
愈老愈知生有涯

又

煙雨淒迷晚不收
疎簾曲几寄悠悠
一雙蛺蝶來何許
點盡青青百草頭

又

生來骨相本酸寒
天遣沙頭把釣竿
但稱山人擲耳帽
敢希楚客切雲冠

又

魚鱗羣出天將雨
鼃黽爭鳴草滿庭
莫道歸休便無事

時時襪襖伴園丁

又

幽鳥飛鳴翠木陰
小魚游水綠波心
滿前好句無人領
堪笑寒窗費苦吟

又

小閣憑欄望遠空
天河橫貫斗牛中
他年鼓角揄關路
馬上遙看與此同

又

幽鳥呼人出睡鄉
層層露葉漏朝陽
臨池只欲消殘醉
無奈鵝兒似酒黃

夏日幽居

赤日黃塵一點無
負山臨水是幽居
爽如瑞露零仙掌
清似寒水貯玉壺
孤艇過時驚宿鷺
溼煙深處亂風蒲
脩然欲棄人間去
天際聯翩誰與俱

枕上

小疾知閒樂
微涼與睡宜
曹騰如欲覺
展轉復多時
四

壁人聲寂疎簾日影移詩囊與藥裏一步不相離

題望海亭亭在卧龍絕頂

瑞龍千丈何蜿蜒蒼鱗翠鬣翔江邊路逢鏡湖乃下駐玩珠不
去知何年七州元帥擁畫戟全家終日樓居仙霜茹一曲入銀
漢碧瓦萬疊浮嵐煙其間望海最傑觀疎達坐占蓬萊先風雲
變化几席上蛟鼉出沒闌干前手捫心房倚北斗眼中萬象俱
森然尚書喚客共領畧遠坊十里聞管弦從容賦詩出妙思超
絕欲拍微之肩坐中有客垂九十追逐無路空自憐夜闌客散

公歸院笙歌隱隱在半天向來老客今何處菱唱三更起釣船
露坐小隱

寂寂柴門閉嫩苔門前有路走天台近秋河漢西南落
欲雨風雲東北來旋摘甘瓜青帶蔓新菊玉體冷傳盃
亦知野外無供給且復相逢笑口開

小憩卧龍山亭

山高風浩浩堂豁海冥冥綠李分猿噉蒼苔墮鶴翎松
寒詩思健茶爽醉魂醒安得丹青手傳模入素屏

晚涼

莞簟平鋪八尺床，脫巾高卧對疎簷。
近村得雨知何處，此地無風亦自涼。

夏日

退士自應客少幽，居不厭掾低未說盤堆玉。
膾且看白，搗金蠶。

又

醉面貪承夕露鈞，竿喜近秋風借問歸舟何處深入芙蓉。

蘄浦中

又

溪漲清風拂面月落繁星滿天數隻船橫浦口一聲笛
起山前

又

我是百年遺老婦空一夢浮名未到終南二華且入天
台四明

招客看山

今日清明宜看山約君來上釣魚船微雲點破尚堪恨
何況城中塵漲天

舟中作

平生剩有煙波興釣瀨時時小艇橫欲暮山光先慘淡
未秋河橫已分明捕魚時見連江網迎荻遙聞過埭聲
想得今宵清絕夢又攜猿鶴上青城

清暑

穿竹清我魂散髮吹我頂虛窗聽鳴蟬小檻看汲井埽

地長物空漱泉齒頰冷厨人具漿粉童子鬻山茗微雲
未必雨且喜收樹影殘書置不視樂此清晝永既夕即
榜舟門外綠千頃世事何足論平生慕箕顓

五月下旬大熱晦日夜得雨明旦涼甚

一雨蕭然洗睡昏清晨屣履自開門豈惟爽氣生山袂
坐覺涼颼入髮根浦口魚多來野鶴林梢果熟下山猿
吾廬清絕君知否釣雪寒江不足言

黃氏冲和堂

冲和堂中和氣襲堆坊滿床羣從集宜州太史一紙書
百年筆墨猶山立使君所學何超然要是胸中不負天
王畿奉使纔廿日忠厚風流天下傳國家多事民力困
正要設施先百郡但令一念與天通河南南陽亦可問

暴雨

蒼龍挂東南天矯拏萬仞雖然雜雲氣爪尾畧可認明
日暴雨來繼以雷大震平地成江河吞卷繞一瞬吾廬
久傾壞不壓真董董所欣顛顚中一飽天不吝餘功到

場圃草木皆綠潤蕭然岸角巾三歎撫庭楯

書意

策蹇若驂駟歎漓如上尊人皆可堯舜身自有乾坤逢
客亦共語無人還閉門千年道術裂誰復見全渾

又

養生慕黃老為治廢唐虞耆壽緣憂懼危亡坐燕娛大
川宜利涉蔓草戒難圖退士惟身慮銘膺豈敢無

又

委順天知我經營鬼笑人定知窮至死敢恨病經旬受
酒陶元亮還鄉賀季真扁舟吾事畢遺世亦遺身

浴罷

浴罷淡無事出門隨意行相如知渴減叔寶覺神清新月
參差影殘蟬斷續聲躊躇遂忘去風露欲三更

水鄉泛舟

終朝流汗浹衣襟恨望何時枕簟秋作雨未成徒益熱
舉盃不醉更添愁悲歌易水輕燕俠對泣新亭笑楚囚

別有生涯君會否煙波無際弄孤舟

又

赤日黃塵不自聊泛溪且用沃枯焦隔林犬吠村墟近
掠面風來酒力消遠火微茫知夜績長歌續斷認歸樵
扁舟不盡凌風興却著青鞵踏野橋

閒詠

平生到處足閒關天遣殘年樂故山社日連村饜酒肉
豐年無盜伏茆管秋來梁燕將雛去雨過林鳩喚婦還

我亦葛衣新浴罷為君滿意說清閒

江樓夜望

江樓百尺倚高寒上盡危梯宇宙寬
秋近漸看河落角天回更覺斗闌干
茫茫浦口煙帆遠坎坎城頭漏鼓殘
要得故人同躡屐一尊相屬話悲歡

連日作雨苦熱

天地一氣爾陰陽司闔開鬱蒸以為雨
回薄以為雷久鬱無所泄造化安在哉
方其欲雨時雖天不能回此豈

降自天其實有自來所以屈宋輩千載有餘哀

門外追涼

羽扇綸巾一味涼曠懷非醉亦非狂橫林點點暮鴉集
平蘢離離新稻香山月出時閒弄影水風清處旋移床
學仙到此無餘說更覺金丹墮粃糠

夏夜泛溪至南庄復回湖桑歸

不求奇骨可封侯但喜枯腸不貯愁數點殘燈沽酒市
一聲柔艣採菱舟元知澤國偏宜夜已就天公探借秋

歸過三更風露重紗巾剩覺髮飈颺

雨後殊有秋意

天地新秋入苦吟詩書萬古付孤斟
愛君憂國孤臣淚
臨水登山節士心
只歎鼻端無妙斲
豈知絃外有遺音
剡中勝踐今猶昔
安得高人支道林

寓規

百疾皆有源雖愚猶自知惟其忽不念所以悔莫追
微隙為無傷一壞誰能支宴安比鴆毒先民不吾欺

又

分量各有窮升餽不受斗滿盈靡懷懼覆敗乃自取衣
笥無復禪食案有三韭貧狹雖可嗤比汝差耐久

又

人生孰無疾治疾惟欲瘳疾瘳藥不止乃有過劑憂即
食戒屬饜養氣常致柔金丹無此功往哉勤自修

新涼

儘道新涼好無如晝漏長奇文窺楚屈妙理玩蒙莊靜

卧貧猶樂高歌醒亦狂翩翩雙蝶子也似惜年光

又

月入楸梧徑風生蘆荻林涼入髮臨水爽披襟寒
暑推移久江湖感慨深功名雖已矣猶得寓孤吟

追涼至安隱寺前

枕石何妨更漱流一涼之外豈他求寺樓無影月卓午
橋樹有聲風變秋殘歷半窗心悄愴岸巾徐步髮飈颼
定知從此清宵夢常在沙邊伴白鷗

湖上夜賦

冉冉秋將至沉沉夜向晨
河隨天漸轉露洗月如新
瘦竹過眉杖輕沙折角巾
漁歌四面起煙水浩無津

又

清絕追涼地平生得未曾
似嘗仙掌露如嚼玉壺冰
狂學菱舟曲閒尋竹院僧
更思生羽翼散髮醉巴陵

書適

萬事罷經營悠然心太平
甘餐隨日足美睡等閒成
處

處佳風月人人好弟兄神仙不須學券內有長生

羸老

羸老幸未死敢嗟生理微牛閒牧童卧犬吠市船歸月
落見收網燈青聞踏機時時語鄰里并白幸相依

即事

臯夔無近用芝朮少奇功上壽當徐致沉疴忌力攻醫
傳三世久事歷百年中畏與庸人說終身托病聾

晚興

竝簷幽鳥語璁瓏一榻蕭然四面風客散茶甘留舌本
睡餘書味在胸中浮雲變態吾何與腐骨成塵論自公
剩欲與君談此事少須明月出溪東

郊行

淒風吹雨過江城緩策羸驂竝水行古路初驚秋葉墮
荒郊已放候蟲鳴壯心耿耿人誰識往事悠悠恨未平
斜日半竿羗笛怨西陵寂莫又潮生

喜雨

雨氣侵人暮不休雨聲逼枕冷飈飈方欣草木有生意
已報溝池無涸流避濕入簷憐病鶴爭巢逐婦歎鳴鳩
老農自喜知時節夜半呼兒起飯牛

劉道士贈小蒟蘆

蒟蘆雖小藏天地伴我雲山萬里身收起鬼神窺不見
用時能與物為春

又

貴人玉帶佩金魚憂畏何曾頃刻無色似栗黃形似蘭

恨渠不識小葫蘆

又

短袍楚製未為非
況得藥瓢相發揮
行過山村傾社看
絕勝小劍壓戎衣

又

箇中一物著不得
建立森然却有餘
盡底語君君豈信
試來跳入看何如

自做

學當盡力去浮華從事文辭但可嗟造道淺深看應物
修身勤惰驗齊家

雨中

孤村風雨連三日秋暑如焚一洗空睡覺房攏燈漸暗
却尋殘夢雨聲中

書歎

遺蝗出境樂秋成多稼登場喜雨晴暗笑衰翁不解事
猶懷萬里玉關情

雨夜孤舟宿鏡湖秋聲蕭瑟滿菰蒲書中有淚無揮處

尋見祥符九域圖

祥符中曾詔王曾等修九域圖

題畫薄荷扇

薄荷花開蝶翅翻風枝露葉弄秋妍自憐不及狸奴點
爛醉籬邊不用錢

又

一枝香草出幽叢雙蝶飛飛喜晚風莫恨村居相識晚
知名元向楚辭中

秋興

誰敢輕他萬戶侯，一生賦分在滄洲。
屋穿況值雨騎月，俗謂二十四五間雨為騎月，雨主霖淫不止。路惡更堪風打頭。
此世極知同

逆旅，吾身亦自是懸疣。
乞錢買取青芒屨，爛醉三條二

華秋

又

歛盡殘雲見夕陽，門前擺極漸登場。
經年都得幾回醉，一雨頓經如許涼。
耐事尚能心似鐵，放歌仍忘髮成霜。

頭生底用從人問此是仙翁肘後方

又

五十年來住鏡湖白頭仍是一臞儒朝眠每恨妨書課
秋穫先令入酒逋江路伶俜形弔影草菴寂默我忘吾
雨窗忽有高談興簪叟醫翁亦可呼

又

世事何曾挂齒牙只將放浪作生涯有時掬米引馴鹿
到處入林求野花鄰父築場收早稼溪姑負籠賣秋茶等

閒一日還過却又倚柴扉數暮鴉

晝睡

體中小不佳惟睡可以休睡美自成夢去為萬里游萬里游尚可乃復有得喪漂搖一葉舟掀舞千里浪午雞忽驚起向夢安在哉童子解原夢篝火具茶盃

得子虞濠上書

日莫坐柴門懷抱方煩紆鈴聲從西來忽得濠州書開緘讀未半喜極涕泗俱父子老惜別況經患難餘羈旅

易生疾霜露行載塗思歸雖甚苦且復忍須臾

時濠州軍亂子

虜適來攝通判身率將士力戰平之

庭草

階前西風搖百草鬱鬱逢秋殊未槁
雪霜要當次第來恰似人生怕衰老
百草榮悴則有時人於養生當自知
金丹九轉儻未辦簡歛冲默真吾師
攝調小失豈遽死二豎眉端先溢喜
但令神氣常守形莫畏夢中呼起

文章

文章本天成妙手偶得之粹然無疵瑕豈復須人為君
看古彝器巧拙兩無施漢最近先秦固已殊淳漓胡部
何為者豪竹雜哀絲后夔不復作千載誰與期

秋日遣懷

離離上藥苗鬱鬱靈芝榮我昔逢異人瑣細皆能名擊
石以取火薪桂持煎烹五雲夜覆鼎談笑得長生

又

胸中何所有世界如河沙區區吞雲夢何至為客誇初

見賣苑永青門已無瓜天河正不遠秋風乘客槎

又

西來浮濤江東眺俯鏡湖其中縣千里鬱鬱桑麻區禹
葬有遺窆粵亡無故墟秋風吹短褐望古空躊躇

又

野風聲如潮溪水色可染浮雲時翳日亦作雨數點行
歌雖放浪未至越繩檢蕭然茅三間送老此山崦

又

秋夜坐東窗殘雨時一滴四壁無人聲心境兩虛寂吾
方游物初超然謝形役一毫儻未盡荷往非勅敵

又

自我歸故山不知歲月徂念雖迫霜露憂國猶區區老
不能上疏秦階陳六符安得子元子同歌予為予

又

晨坐手作墨午窗身磴茶豈惟要小勞亦以禦百邪兒
童不解此傾心逐紛華君看如山禍萌在一念差

自儆

惡石從來豈汝仇安居無患却堪憂
不須更守庚申夜留取三彭傲情偷

又

世事如雲日日新瓦盆黍酒却關身
細思只有窮居好寄語玄翁莫逐貧

生世

乾坤成毀由來事生世真同泰一炊
嗟我已過三萬日

餘年有幾自應知

秋雨

山深草木久已荒
晝昏風雨殊未止
看書不覺向壁卧
煎茶欲罷推枕起
清心正付竹鑪香
漱齒每挹巖泉水
與世不諧元有命
閉門自適差可喜
少年癡絕晚乃悟
束縛珠襦均一死
悠然袖手倚蒲團
洗盡玉關心萬里
思蜀

西游陳迹浩無窮
回首真同一夢中
柳拂驛牆思鳳集

鼓喧市裏憶蠶鼓故人丘壠秋蕪碧舊隱園林夕照紅
自閔未能忘感慨浩歌彈劍送飛鴻

病思

短髮蕭蕭不滿簪更堪衰疾日侵尋數匙淡飯支殘息
一篆清香印本心小徑古苔遺鶴毳空堂壞甃有蟲吟
悠然更起扁舟興秋水門前五尺深

術家言予今歲畏四孟月而秋尤甚自初秋小疾
屢作戲題長句

金剛經
卷八十三
一生強半卧窮閭
羈飯藜羹似蜜甜
耄齒覺衰嗟已晚
孟秋屬疾信如占
危途本自難安步
惡石何妨更痛砭
堅忍莫為秋雨歎
牽蘿猶足補茅苫

秋夕書事

垂老雖堪歎為謀亦未疎
悶賒鄰巷酒閒讀後身書大
嚼寧須肉徐行可當車
秋來歡喜事菽粟有新儲

又

點點秋燈晚翻翻宿鳥還
雨添羈枕睡書伴小窗閒
僧

閣荒寒外漁村縹緲間畫工今代少誰為寫家山

小疾

小疾有根底忽之當日深養苗先去草省事在清心蟻
夢能看破狐妖可坐擒一盃藜粥罷聽雨擁秋衾

又

老不禁當病經旬卧一床亦知非疥癬幸未至膏肓水
落灘初出秋深草漸黃非關畏人事晚歲合深藏

又

避人作小疾省事喜閒身竝海魚鹽聚入秋風雨頻元
知器苦窳空有膽輪困轅飯聊同飽知君不笑貧

病中作

此事明明在默身一身元有一乾坤不憂豎子居育上
已見真人出面門力守誰能發底火深潛自足美靈根
用功若到無功處千載乘雲不足言


縱筆

天下本無事吾生行且休關心惟酒盞入眼獨漁舟雁

過三湘曉雲開二華秋慙勤驛樓柱小草記曾游

又

相馬失之瘦知人良獨難雖居環堵室未廢切雲冠
莫雨潼關暗秋風渭水寒深蕪埋壯士千古為悲歡



劍南詩藁卷八十三